

Hallgrímskirkja

Fermingar vorið 2017

Annar í hvítasunnu 5. júní kl. 11.



Sr. Irma Sjöfn Óskarsdóttir flytur hugleiðingu og þjónar fyrir altari ásamt Ingu Harðardóttur æskulýðsfulltrúa. Félagar úr Mótettukór Hallgrímskirkju syngja.

Organisti er Hörður Áskelsson.

Forspil

Upphafsbæn

Prestur: Í nafni Guðs, föður, sonar og heilags anda. Allir: Amen.

Prestur: Hjálp vor kemur frá Drottni.

Allir: Skapara himins og jarðar.

Drottinn, ég er kominn í þitt heilaga hús til að lofa þig og ákalla og til að heyra, hvað þú, Guð faðir, skapari minn, þú Drottinn Jesús, frelsari minn, þú heilagi andi, huggari minn, vilt við mig tala í þínu orði. Drottinn, heyr þú lofgjörð mína og bæn og opna þú með þínum heilaga anda hjarta mitt, fyrir sakir Jesú Krists, að ég fyrir þitt orð iðrist synda minna, trúi á Jesú í lífi og dauða og taki framförum í kristilegu hugarfari og lífern. Bænheyr það, ó Guð, fyrir Jesú Krist. Amen.

Sálmur 724

Leiftra þú, sól, þér heilsar hvítasunna,
heilaga lindin alls, sem birtu færir
hann, sem hvern geisla alheims á og nærir,
eilífur faðir ljóssins skín á þig,
andar nú sinni elsku yfir þig.

Ljóma þú, jörð, þér lýsir hvítasunna,
lífgjöf þín, Kristur, risinn upp frá dauðum,
opnar sinn himin heimi vonarsnaðum,
heilagur andi streymir yfir þig,
andar nú sinni elsku yfir þig.

Geisla þú, sál, mót sól þíns lífs og fagna,
sjá, það er vor á jörð, sem Drottinn gefur,
vittu það, barn, og vakna þú, sem sefur,
vitjar þín andi Guðs og skín um þig,
andar nú sinni elsku inn í þig.

Lýstu mér, sólin hvíta, heita, bjarta,
heilagi andi Guðs og Krists, hans sonar,
uppspretta ljóss og friðar, lífsins vonar,
ljúk mér upp, kom þú, streym þú yfir mig,
anda nú þinni elsku inn í mig.

Sigurbjörn Einarsson

Miskunnarbæn

Prestur: Drottinn, miskunna þú oss.

Prestur: Kristur, miskunna þú oss.

Prestur: Drottinn, miskunna þú oss.

Allir: Drottinn, miskunna þú oss.

Allir: Kristur, miskunna þú oss.

Allir: Drottinn, miskunna þú oss.

Dýrðarsöngur

Söfnuður rís úr sætum

Prestur: Dýrð sé Guði í upphæðum.

Allir: Og friður á jörðu og velþóknun yfir mönnunum.

Þig lofar, faðir, líf og önd,
þín líkn oss alla styður.
Þú réttir þína helgu hönd
af himni til vor niður.
Og föðurelska, þóknun þín,
í þínum syni til vor skín,
þitt frelsi, náð og friður.

Söfnuður sest

Kollekta

Prestur: Drottinn sé með yður.

Allir: Og með þínum anda.

Prestur: Biðjum ...

Allir: Amen.

Ritningarlestur 1Kor 12.12-13.

Lesturinn endar á orðunum: Þannig hljóðar hið heilaga orð.

Allir: Guði sé þakkargjörð.

Sálmur 9

Lofsyngið Drottni, lýðir tignið hann.
Hefjið gleðihljóma, heiðrið skaparann.
Miskunn hans er mikil, máttarverkin stór.
Lofi, lofi Drottin loft og jörð og sjór.
Lofsyngi Drottni ljóssins bjarti her.
Óminn ber að ofan, undirtökum vér.

Valdimar V. Snævarr

Guðspjall

Söfnuður rís úr sætum

Prestur: Guðspjallið skrifar guðspjallamaðurinn Jóh 4.19-26

Allir: Guði sé lof og dýrð fyrir sinn gleðilegan boðskap.

Lesturinn endar á orðunum: Þannig hljóðar hið heilaga guðspjall.

Allir: Lof sé þér, Kristur.

Söfnuður sest

Sálmur

Konungur lífsins kemur hér til sala,
kveður til fylgdar börnin jarðardala,
undan þeim fer hann, friðarmerkið ber hann,
frelsari er hann.

Fermingarbarn, til fylgdar þig hann krefur,
fegurstu kosti eilífs lífs hann gefur,
sakleysið verndar, sorg í gleði breytir,
sigurinn veitir.

Styrki þig Guð að velja veginn rétta,
viskan og náðin sveig úr rósum flétta,
undan þér fer hann, friðarmerkið ber hann,
frelsari er hann.

Friðrik Friðriksson

Hugleiðing

Trúarjátning

Söfnuður rís úr sætum

Ég trúi á Guð, föður almáttugan, skapara himins og jarðar.
Ég trúi á Jesú Krist, hans einkason, Drottin vorn,
sem getinn er af heilögum anda, fæddur af Maríu mey,
píndur á dögum Pontúsar Pílatúsar,
krossfestur, dáinn og grafinn, steig niður til heljar,
reis á þriðja degi aftur upp frá dauðum, steig upp til himna,
situr við hægri hönd Guðs föður almáttugs
og mun þaðan koma að dæma lifendur og dauða.
Ég trúi á heilagan anda, heilaga almenna kirkju, samfélag heilagra,
fyrirgefningu syndanna, upprisu mannsins og eilíft líf. Amen.

Söfnuður sest

Ferming

Fermingarbörn: Amíra Snærós Jabali
Áróra Gunnarsdóttir
Bríet Bjarnadóttir
Sara Isabel Gunnlaugsdóttir.

Sálmur 893

Megi gæfan þig geyma,
megi Guð þér færa sigurlag,
megi sól lýsa þína leið,
megi ljós þitt skína sérhvern dag.
Og bænar bið ég þér,
að ávallt geymi
þig Guð í hendi sér.

Bjarni Stefán Konráðsson

Almenn kirkjubæn

Syndajátning og friðarkveðja

Prestur: Friður Drottins sé með yður.

Allir: Og með þínum anda.

Sálmur 926

Á hverjum degi, Drottinn minn, ég bið,
Drottinn minn, ég bið um kærleika og frið.

Ég bið þig, Drottinn, bægðu myrkri frá,
bægðu myrkri frá, svo blindir megi sjá.

Ég þarf, Guð minn góður, þína hjálp,
Guð minn, þína hjálp að fást við lífið sjálft.

Drottinn, leyf þú mér að lifa í sátt,
leyf mér lifa í sátt við menn og æðri mátt.

Kristján Kristjánsson KK

Altarisganga

Söfnuður rís úr sætum

Prestur: Drottinn sé með yður.

Allir: Og með þínum anda.

Prestur: Lyftum hjörtum vorum til himins.

Allir: Vér hefjum þau til Drottins.

Prestur: Látum oss þakka Drottni Guði vorum.

Allir: Það er maklegt og réttvíst.

Prestur: Sannlega er það ... og segjum án afláts:

Allir: Heilagur, heilagur, heilagur ert þú Drottinn, Guð allsherjar.

Himnarnir og jörðin eru full af dýrð þinni. Hósianna í upphæðum. Blessaður sé sá sem kemur í nafni Drottins. Hósianna í upphæðum.

Söfnuður sest

Þakkarbæn, innsetningarorð og Faðir vor

Guðs lamb

Ó, þú Guðs lamb, Kristur, þú sem burt ber heimsins synd, miskunna þú oss.

Ó, þú Guðs lamb, Kristur, þú sem burt ber heimsins synd, miskunna þú oss.

Ó, þú Guðs lamb, Kristur, þú sem burt ber heimsins synd, gef oss þinn frið. Amen.

Altarisgestir ganga innar. Aðstandendur fermingarbarna fylgja sínu barni og taka sér stöðu við neðsta kórþrep. Útdeilt er með ídýfingu. Altarisgestir taka við brauðinu í lófa sér og dýfa því síðan hver fyrir sig í kaleikinn áður en þess er neytt, signa sig og ganga síðan til sætis.

Kórsöngur undir útteilingu: Að biðja sem mér bæri, lag: Áskell Jónsson - frumflutningur Bæn

Blessun

Söfnuður rís úr sætum

Prestur: Þökkum Drottni og vegsömum hann.

Allir: Drottni sé vegsemd og þakkargjörð.

Prestur: Drottinn blessi þig ... og gefi þér frið.

Allir: Amen, amen, amen.

Sálmur 719

Nú skrudða grænum skryðist fold

og skæru augun ljóma

er fagna blómin frelsi' úr mold

og frosts og vetrar dróma.

Nú barna raddir blíðar tjá

að birtan sigrað hefur

og allt í náð umvefur.

Í laufi fuglinn, lamb í hjörð

og lóa frjáls í heiði

þá lofgjörð inna lífs sem jörð

á löngum vetri þreyði.

Af gleði óma götur, torg

og gleði birtir sanna

öll önn og iðja manna.

Þú Guð, sem sumar gefur jörð

og gleði barna þinna,

gef allri þinni eignarhjörð

þá elsku' og gleði' að finna

og lúta þér í lotning, trú,

að lífi öllu hlúa,

sem systkin saman búa.

Karl Sigurbjörnsson

Eftirspil

Á döfinni:

Laugardagur 10. júní: Messa í H-moll kl. 17. Miðasala á midi.is og í verslun kirkjunnar.

Sunnudagur 10. Júní: Sunnudagsmessa og sögustund kl. 11.

Sunnudagur 10. Júní: Messa í H-moll kl. 17. Miðasala á midi.is og í verslun kirkjunnar.